



Prishtinë, 29 mars 2018
Kodi i ZRRE-së: V_932_2018

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, neni 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-184);
- Nenin 16 paragrafin 5 të Rregullës për Procedurën e Autorizimit për Ndërtimin e Kapaciteteve të reja;
- Vendimi për Lëshimin e Autorizimit Final V_660_2014 të datës 11 nëntor 2014 për shoqërinë "Matkos Group" Sh.p.k., për ndërtimin e kapaciteteve të reja gjeneruese për prodhimin e energjisë elektrike nga uji, HC Vica me kapacitet të instaluar prej 4.6 MW, ZK Drekoç, komuna e Shtërpçës;
- Vendimin V_864_2016 të datës 25 nëntor 2016 për shtyrje të afatit të vlefshmërisë të Vendimit për Autorizimin Final V_660_2014 të datës 11 nëntor 2014, lëshuar shoqërisë "Matkos Group" SH.P.K., për ndërtimin e kapaciteteve të reja gjeneruese për prodhimin e energjisë elektrike nga uji, HC Vica me kapacitet të instaluar prej 4.6 MW, ZK Drekoç, komuna e Shtërpçës,
- Kërkesën për vazhdimin e afatit të vlefshmërisë së Vendimit për Autorizim Final V_660_2014 i datës 11 nëntor 2014 edhe për 12 (dymbëdhjetë) muaj, për ndërtimin e kapacitetit të ri gjenerues për prodhim të energjisë elektrike nga Uji, HC Vica me kapacitet të instaluar prej 4.6 MW, ZK Drekoç, komuna e Shtërpçës, të datë 06.11.2017 nr. prot. 240/17 të shoqërisë "Matkos Group" SH.P.K., me adresë rruga "Veterinik" 10000, Prishtinë, Republika e Kosovës,

në seancën e mbajtur me datë 29 mars 2018 nxori këtë:

V E N D I M

- I. **APROVOHET** kërkesa e shoqërisë "Matkos Group" SH.P.K. dhe **SHTYHET** afati i vlefshmërisë së Autorizimit Final V_660_2014 i datës 11 nëntor 2014, i vazhduar me Vendimin V_864_2016 të datës 25 nëntor 2016 për ndërtimin e Hidrocentralin HC Vica me kapacitet të instaluar prej 4.6 MW, ZK Drekoç, komuna e Shtërpçës, edhe për 12 (dymbëdhjetë) muaj, gjegjësisht deri me **11 nëntor 2018 për përfundimin e ndërtimit të Hidrocentralit.**

A r s y e t i m



- ZRRE me datë 29.03.2013 nga shoqëria “Matkos Group” Sh.p.k., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhim të energjisë elektrike nga Uji, në Lumin Lepenc, për katër (4) njësi gjeneruese, HC Shtërpce me kapacitet të instaluar prej 2.47 MW, HC Bitinje 2.1 MW, HC Vica 2.5 MW dhe HC Brod 2.5 MW, të gjitha në Komunën e Shtërpçës.
- Bordi i Zyrës së Rregullatorit për Energji, pas analizimit të dëshmive të prezantuara nga shoqëria “Matkos Group” Sh.p.k.ka vendosur se aplikuesi ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese nga Uji, dhe ka lëshuar Vendimin mbi Njoftimin për Autorizimin Preliminar V_541_2013 me datë 28 qershor 2013. Vendim mbi Njoftimin për Autorizimin Preliminar, nuk ka nënkuptuar edhe lëshimin e Autorizimit, përçerisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- ZRRE me datë 19.06.2014 nga shoqëria “Matkos Group” Sh.p.k., ka pranuar kërkesën për shndërrimin e Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhim të energjisë elektrike nga Uji në Autorizim Final për HC Bitinje dhe HC Vica të bashkuar në një Hidrocentral me kapacitet të instaluar prej 4.6 MW, në lokacionin “Drekoc”, në Lumin Lepenc ZK Drekoc, Komuna e Shtërpçës, duke i bashkangjitur dëshmitë e lëshuara nga autoritetet relevante për përmbushjen e të gjitha kërkesave mjedisore, të drejtën mbi shfrytëzimin e tokës, të drejtat mbi shfrytëzimin e ujit, Lejen Ndërtimore dhe kërkesat e tjera ligjore që lidhen me natyrën e projektit sipas legjislacionit në fuqi.
- Bordi i Zyrës së Rregullatorit për Energji, me datë 11.11.2014 ka vendosur që shoqërisë “Matkos Group” Sh.p.k., ti lëshohet Autorizimi Final V_660_2014 për ndërtimin e kapaciteteve të reja gjeneruese, për prodhimin e energjisë elektrike nga Uji, për HC Vica me kapacitet të instaluar prej 4.6 MW, njësia gjeneruese që do të vendoset në lokacionin Drekoc, ZK Drekoc Komuna e Shtërpçës.
- ZRRE me datë 10.11.2016 nga shoqëria “Matkos Group” Sh.p.k., ka pranuar kërkesën për vazhdimin e afatit të vlefshmërisë të Vendimit për Autorizimin Final V_660_2014 të datës 11 nëntor 2014, për HC Vica me kapacitet të instaluar prej 4.6 MW, **për kompletimin e ndërtimit edhe për një (1) vit, gjegjësisht deri me 11 nëntor 2017.**
- Bordi i ZRRE-së, në mbledhjen e mbajtur me datë 25 nëntor 2016, pas shqyrtimit dhe vlerësimit të kërkesës dhe dëshmive relevante, ka aprovuar kërkesën e shoqërisë “Matkos Group” SH.P.K., dhe me Vendimin V_864_2016 ka vendosur që ti lejohet shtyrja e afatit të vlefshmërisë të Vendimit për Autorizimin Final V_660_2014 të datës 11 nëntor 2014 edhe për një (1) vit, gjegjësisht deri më 11 nëntor 2016, në pajtim me dispozitat ligjore të Rregullës për Procedurën e Autorizimit.
- ZRRE me datë 06.11.2016 nga shoqëria “Matkos Group” Sh.p.k., ka pranuar kërkesën për vazhdimin e afatit të vlefshmërisë të Vendimit për Autorizim Final V_660_2014, të datës 11 nëntor 2014, i vazhduar me Vendimin V_864_2016, të datës 25 nëntor 2016, për HC Vica me kapacitet të instaluar prej 4.6 MW, për një afat shtesë **për zgjatjen e periudhës së ndërtimit edhe për 12 (dymbëdhjetë) muaj, gjegjësisht deri me 11 nëntor 2018.**



- Shoqëria “Matkos Group” SH.P.K., në kërkesën e saj ka sqaruar se: deri me tani kanë bërë një progres të dukshëm në ndërtimin e Hidrocentralit HC VIQA, ku janë kryer shumë punë ndërtimore, edhe përkundër faktit se kemi filluar me disa vonesa për shkak të pengesave për të cilat janë paraqitur, dhe për të cilat ju kemi njoftuar, ku jemi detyruar të fillojmë punimet pas zgjidhjes së pengesave dhe sipas udhëzimeve të organeve kompetente të komunale dhe të Ministrisë së Mjedisit.
- Shoqëria “Matkos Group” SH.P.K., pas pranimi të vendimit V_864_2016 të datës 25 nëntor 2016 për shtyrje të afatit të autorizimit për ndërtimin e hidrocentrali HC Vica, ka vazhduar me intezitet të lartë dhe deri më tani ka përfunduar Veprën e Marrjes, dhe poashtu janë vendosur mbi 1.4 km Gyp(tubacion), dhe sipas dinamikës së punimeve dhe kushteve klimatike do të përfundojmë ndërtesën e hidrocentralit (Power House), pozicioni i të cilës është dizajnuar nga prodhuesi i turbinave, dizajni i cili mund të gjendet i bashkangjitur në shkresat e lëndës.
- Poashtu, ka sqaruar se në lidhje me verifikimin e këtyre punëve të lartcekura për projektin HC VIQA, HC Shterpce, dhe HC Brezovica, me datë 19 Tetor 2017 Inspektorati i Ministrisë së Ambientit ka qenë në vend punishte, ku janë duke u kryer punimet nga kompania jonë, dhe është verifikuar nga Inspektorati MMPH që të tri projektet janë në zhvillim e sipër, sipas dinamikës së punimeve dhe kushteve ligjore dhe kanë theksuar se ka progres të dukshëm, e për të cilën gjeni bashkangjitur edhe procesverbalin nr. 17-ins P-30- vs-12 mbi Inspektimin e Punimeve nga Ministria e Ambientit.
- Arsyet, pse ky projekt nuk arriti të përfundohet brenda afatit të paraparë, është se për shkak të problemeve të vazhdueshme e për të cilat i kemi cekur më lartë, dhe marrë parasysh faktin që Projektet e “Maktos Group” SH.P.K., janë të tipit kaskade, është dashtë që të pritet edhe përfundimi i projektit HC Brezovica që tani me siç e dini, është përfunduar brenda afateve dhe është në prodhim nga muaji Prill 2017.
- Poshtu ka sqaruar se, ju kemi njoftuar edhe më parë, arsyet kryesore që kanë shtyrë përfundimin e këtij hidrocentrali janë për shkak të problemeve të vazhdueshme që ne kemi pasur nga disa banor lokal që jetojnë aty pranë, kanë rezultuar deri te mos përfundimi i punëve ndërtimore ashtu siç është paraparë, e për të cilat ju kemi njoftuar në kërkesën e vitit të kaluar të dorëzuar në ZRRE, bashku me të gjitha dëshmitë relevante dhe kërkesat ligjore të lëshuara nga organet kompetente, e për të cilat Bordi i ZRRE ka lejuar shtyrjen e parë për vazhdimin e punimeve në ndërtimin e hidrocentralit HC Vica, dhe nga ajo kohë është punuar në vazhdimësi edhe përkundër faktit që ka pasur pengesa në vazhdimësi.
- Andaj, marr parasysh faktin dhe natyrën komplekse të projekteve në fushën e Hidrocentraleve dhe pengesave të prezantuara më lartë, të cilat kanë qenë bazë e vonesave për fillimin dhe përfundimin e projektit në fjalë, shoqëria “Matkos Group” SH.P.K., bazuar në dispozitat e nenit 16 paragrafi 5 i Rregullës së Procedurës së Autorizimit, ka kërkuar nga Bordi i ZRRE që për Hidrocentralin HC Vica me kapacitet të instaluar prej 4.6 MW, ZK Drekoc, komuna e Shtërpcës, të i mundësohet shtyrja e afatit edhe për dymbëdhjetë (12) muaj, gjegjësisht: deri me **11 nëntor 2018** për përfundimin e projektit në fjalë.
- Bordi i ZRRE-së, pas analizimit të kërkesës së shoqërisë “Matkos Group” SH.P.K. dhe dëshmiave të bashkangjitura për shtyrje të afatit të vlefshmërisë të Autorizimit Final, për ndërtimin e kapaciteteve të reja gjeneruese për prodhimin e energjisë elektrike nga uji, në Lumin Lepenc HC Vica me kapacitet të instaluar prej 4.6 MW, në Komunën e Shtërpcës, ka vlerësuar atë, dhe ka konsideruar se për shkak pengesave të paraqitura dhe të kompleksitetit të ndërtimit të Hidrocentraleve, dhe duke u mbështetur në shkresat e lëndës, ka vendosur që të lejohet shtyrja




e afatit të vlefshmërisë së Autorizimit Final V_660_2014 i datës 11 nëntor 2014, edhe për një afat shtesë ligjor, duke u mbështetur në dispozitat ligjore të cekura në hyrje të këtij vendimi.

- II. Vendimi për Lëshimin e Autorizimit Final V_660_2014 i datës 11 nëntor 2014, i vazhduar me Vendimin V_864_2016 të datës 25 nëntor 2016 do të vlen deri me datë **11 nëntor 2018**, sipas dispozitivin nën pikën I., të këtij vendimi, në rast se nuk arrin të përfundoj ndërtimin e stabilimenteve të reja gjeneruese nga Uji, apo nuk vepron në pajtim me legjislacionin në fuqi, do të shfuqizohet.
- III. Vendimi nxirret dhe publikohet në gjuhët zyrtare në Republikën e Kosovës.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:


Arsim Janova, u.d. Kryesues


Besim Sejfiqaj, anëtar


Selman Hoti, anëtar


Izet Rushiti, anëtar

Vendimi iu dërgohet:

- Palës,
- Komunës së Shtërpçës,
- Sekretarit të Përgjithshëm të MMPH-së, dhe
- Arkivit të ZRRE-së